



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აბოლი ედუარდ იაკობის ძე

აბოლი ედუარდ იაკობის ძე [14 (26). II. 1868, ვალტაიკა, ლატვია, – 9. IV. 1959, თბილისი], ფარმაკობოტანიკოსი. ბიოლ. მეცნ. დოქტორი (1935), პროფესორი (1935), საქართვე. მეცნ. დამს. მოღვაწე (1944).

1892 დაამთავრა მოსკ. უნ-ტი. მიენიჭა პროვიზორის წოდება, 1899 – ფარმაციის მაგისტრის ხარისხი, 1902 კი - ყაზანის უნ-ტის პრივატ-დოცენტობა. 1915 დაამთავრა მოსკოვის უნ-ტის ფიზ.-მათ. ფაკ-ტი. 1926–52 იყო თბილ. უნ-ტის, შემდეგ კი ფარმაცევტული და სახელმწ. სამედიცინ. ინ-ტების ფარმაკოგნოზის კათედრის გამგე. 1932–59 სამეცნ.-კვლ. ფარმაკოქიმიური ინ-ტის ფარმაკო-ბოტან. განყ-ბის გამგე. შეისწავლა და აღწერა ადგილ. სამკურნ. მცენარეები. ავტორია სამკურნ. მცენარეთა ფიტოქიმ. და მიკროქიმ. დახასიათებისა. იკვლევდა ფარმაკოგნოზის სწავლებისა და მეცნ. ფარმაციის პრობლემებს. ხელმძღვანელობდა ფარმაკობოტანიკურ ექსპედიციებს საქართვე. სხვადასხვა რეგიონში, იყო ფარმაცევტული პროფილის 5 ჟურნალის სარედაქციო კოლეგიის წევრი და სხვ.

თხზ.: Об отложениях камфоры в тканях камфорного лавра, М., 1899; Разработка методов количественного выделения слизи из лекарственных растений (местного происхождения). «სამეცნ. საკვლ. ფარმაკოქიმიის ინ-ტის შრომათა კრებული», 1941, №4; ფარმაკოგნოზის მეცნიერული ღირებულება მის განსაზღვრებათა სინათლეში, «თანამედროვე ფარმაცია», 1930, №2; ორქისების ბოლქვთა ჰისტოლოგიური გამოკვლევა, «ფარმაკოქიმიის ინ-ტის შრომათა კრებული», 1940, №3; ღვედკეცას ღეროს ფარმაკობოტანიკური გამოკვლევა, იქვე.

ლ. ერისთავი

